



Broj predmeta: 13-001160/24
Broj akta: 01.1-1528ZN-0019/24
Datum, 4. 7. 2024.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH – prečišćeni tekst («Službeni glasnik Brčko distrikta BiH», broj 27/23), u skladu s članom 69. stav (3) Zakona o javnim nabavkama («Službeni glasnik BiH», broj 39/14) i Izmjene Zapisnika o pregledu i ocjeni ponuda sa preporukom Komisije za javne nabavke broj: 13-13-001160/24 od 20.06.2024.godine, gradonačelnik Brčko distrikta BiH d o n o s i,

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak javne nabavke radova na izgradnji vanjskog sportskog terena i igrališta u dvorištu JU Šeste osnovne škole Brezovo Polje, za potrebe Odjeljenja za obrazovanje Vlade Brčko distrikta BiH, a pokrenut na osnovu Odluke o pokretanju postupka javne nabavke broj: 13-001160/24 od 05.04.2024.godine i Obavještenja o nabavci broj: 1157-1-3-157-3-398/24 od 18.04.2024.godine. Postupak se poništava, u skladu sa članom 69. stav (3) Zakona o javnim nabavkama, iz drugih dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obrazloženje

Komisija za javne nabavke je u svom Zapisniku o pregledu i ocjeni ponuda od 14.05.2024. godine dala preporuku da se ugovor dodijeli ponuđaču Ross - Adrija doo Brčko. Na osnovu navedene preporuke ugovorni organ je donio Odluku o izboru najpovoljnijeg ponuđača br. 13-001160/24 od 28.05.2024. godine. O donošenju odluke o izboru ponuđač u ovom postupku javne nabavke je obaviješten dana 06.06.2024. godine. U skladu sa odredbama tenderske dokumentacije, te obavještenja koje je dostavljeno ponuđaču uz Odluku o izboru, izabrani ponuđač je bio dužan u roku od 7 dana dostaviti potrebnu kvalifikacionu dokumentaciju. Izabrani ponuđač je istu dostavio u zadatom roku. Komisija je pregledom i analizom dostavljene dokumentacije zaključila da Rješenje, traženo tačkom 8.1.4 tenderske dokumentacije koje je ponuđač dostavio nije u skladu sa zahtjevanim.

Odnosno, tačkom 8.1.4 tenderske dokumentacije je zahtijevano sledeće:

„U skladu sa članom 87. Zakona o prostornom planiranju i građenju Brčko Distrikta BiH (Službeni glasnik Brčko Distrikta broj: 29/08) i Člana 7. Pravilnika o ispunjavanju opštih uslova pravnih lica za izradu tehničke dokumentacije, revizije tehničke dokumentacije, građenja i nadzora (Službeni glasnik Brčko Distrikta broj 18/11), ponuđači da bi obavljali djelatnost građenja koja je predmet nabavke, moraju posjedovati sljedeće Rješenje:

Rješenje ili rješenja kojima se potvrđuje da ispunjavaju uslove za obavljanje djetlatnosti, definisane članovima Pravilnika o ispunjavanju uslova pravnih lica za izradu tehničke dokumentacije, revizije tehničke dokumentacije, građenja i nadzora (Službeni glasnik Brčko distrikt BiH broj 18/11), u skladu sa članom 12, stav c)”, a što se odnosi na objekte niskogradnje.

Ponudač je dostavio Rješenje kojim se potvrđuje da ispunjava uslove za obavljanje djetlatnosti, definisane članovima Pravilnika o ispunjavanju uslova pravnih lica za izradu tehničke dokumentacije, revizije tehničke dokumentacije, građenja i nadzora (Službeni glasnik Brčko distrikt BiH broj 18/11), u skladu sa članom 9, stav e), a što se odnosi na objekte visokogradnje.

Ponudač je prije isteka roka za dostavu kvalifikacione dokumentacije kontaktiran putem telefona i tom prilikom obavješten da Rješenje koje je dostavio nije u skladu sa traženim u tenderskoj dokumentaciji, nakon čega je dostavio dopunu dokumentacije koja je sadržavala novo Rješenje i Ugovor o poslovno tehničkoj saradnji sa pravnom licem Galax - niskogradnja dd Brčko, dana 13.06.2024. godine, takođe prije isteka zadatog roka.

Uvidom u dopunu dokumentacije, utvrđeno je da je dostavljeno Rješenje u skladu sa traženim u tenderskoj dokumentaciji, ali da je izdato pravnom licu Galax - niskogradnja dd Brčko. Ponudač Ross - Adrija je dostavio ugovor o poslovno tehničkoj saradnji sa pravnom licem Galax - niskogradnja dd Brčko. Međutim, u skladu sa tačkom 5.6 TD, ponudač Ross – Adrija u svojoj ponudi nije naveo da sa istim pravnom licem nastupa kao grupa ponuđača, već je ponudu dostavio samostalno. Takođe, ponudač Ross – Adrija u svojoj ponudi nije naveo da ima namjeru vršiti podugovaraje sa privrednim subjektom Galax - niskogradnja dd Brčko.

Ponudač Ross – Adrija u momentu dostavljanja svoje ponude nije dostavio Ugovornom organu bilo kakvu informaciju o eventualnoj saradnji sa pravnom subjektom Galax - niskogradnja dd Brčko, a što je bio dužan učiniti, kako bi bio u mogućnosti koristiti zahtjevanu licencu navedenog pravnog subjekta.

S obzirom na navedeno, u ovoj fazi postupka javne nabavke ne može se uvoditi u postupak novo pravno lice, bez da su učinjeni neophodni prethodni koraci, a dostavljena licenca se ne može prihvatiti. Komisija konstatuje da ponudač Ross – Adrija doo Brčko nije dostavio urednu kvalifikacionu dokumentaciju, odnosno, nije dostavio ispravno Rješenje, zahtjevano tačkom 8.1.4 tenderske dokumentacije.

Shodno svemu navedenom, postupak se poništava, iz drugih dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a sve u skladu sa članom 69. stav (3) Zakona o javnim nabavkama.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.



DOSTAVLJENO:

1. Pododjeljenju za javne nabavke,
2. Gradonačelniku,
3. Odjeljenju za obrazovanje,
4. Ponudaču,
5. Arhivi.